

NURONIYLAR HOLIDAN XABAR OLINMOQDA



“Keksalar haftaligi” doirasida doim e’tiborimizda bo’lgan keksa avlod vakillaridan yana bir bor xabar olish, ularni ziyyarat qilish maqsadida Qo’shtepa tumanida qator tadbirlar bo’lib o’tmoqda.

Shunday tadbirlardan biri, “Yangi do’kon” mahallasida bo’lib o’tdi. Viloyatimizdagi harbiy qism askarları Yangi do’kon ko’chasida qarilik gashtini surayotgan mehnat fronti qatnashchisi, 93 yoshli Xoshimov Xokimjon ota holidan xabar olishdi.

— Dunyoda xalqlar ko’p, urf-odatlar ham shunga yarasha, ammo inson qadri-qimmati, uning manfaati yuksak qo’yilgan yurt hamma joyda ham topilavermaydi, — deydi Ikkinci jahon urushi davrida mehnat fronti qatnashchi Xoshimov Xokimjon ota. — Shukurki, yurtimiz tinch-osuda. Shu sabab, xonadonlarimiz fayzli obod. Urush yillardagi ocharchiligu suronli kunlar va o’tmishning mashaqqatlarini eslasam, bugungi farovon turmushimizga ko’z tegmasin, deyman.

“Keksalar haftaligi” doirasida joylarda o’tkazilayotgan bu kabi tadbirlarda keksalarimizning bosib o’tgan yo’li, hayotiy tajribasi yoshlarga ibrat ekanligi yana bir bora o’z ifodasini topmoqda.

Bizni ijtimoiy tarmoqlarda kuzating

[Facebook](#),

2022-10-05 13:29:25